



**Uqaqatigiirutingit Katimavlutik ukunanga Inuit Ukiuktaqtuni Katimayiryuangit, Kavamangitlu
Kalaasilimin unalu Nunavut Kavamanga Hilaup Aalannguqtirninganut**

*Taimailiughimagaluaqtillugit Katimayuarutit tamangnin Katimayiryuaganin ukununga
Nunaqyuam Tamaat Katimayiryuangit Katimavikharnik taaffumunga Hilaup
Aalannguqtirninganut katimadjutiginiaqtaat inmik 21^{nguyunut} katimalutik Paris-mi Tarium
Hikutirvia 30-mit Ubluirvia 11, 2015-mut.*

*Ilihimaliqhugu taimaa tadjia puyuum anialailaqtait pihimayut havagvikyuanit nunakyuani
hulilukaarutinit hilataanit Ukiuqtaqtumit, taimaalu tamaita Paanariiktut ukununga Nunaqyuam
Tamaat Katimayiryuangit Katimavikharnik uumunga Hilaup Aalannguqtirninganut
havakpiakniaqtut atuqlugit hivunighaliurutikhat aallanngayuniklu ihuaqhinahugillugu
pidjutainut hilaup aalannguqtirninganut.*

*Ilihimavlugit inuit Ukiuqtaqtumi tapkunungaluamunlu Nunaqqaqahimayunun inungnun,
ayuqhautigikyumiqtait pidjutaayut pihimayut hilaup aalannguqtirninganut unalu nunaup
povitquumannga mahaktiliqhuni, uunnakpalliavluni, nilaqyuagaruiqpalliavlutik
hikuhimainnauiqhuni tariumilu, hilakluinnaliqhuni aallatqiinik ihuirutivlunilu Ukiuqtaqtumi
Huradjanut.*

*Ilihimavlugit taimaa amihuqyuani thousands-ni ukiuni, Ukiuqtaquni avatinga ikayuutigivagaat
Inuit inuuhirmi atuqpaktamingnut inuuyaami.*

*Ilihimavlugit ikayuutikhat pihimayait Ukiuqtaqtumi mikhilaaqnahugittutgit puyut anianiit
atuqtittivlutiklu halumatqiyani auladjutikhanut atuqtakhainut, hanayauhimayunut nakuuyullu
ihuaqhaidjutikhat.*

Ilihimaliqhugu akituvallaanguyunut auladjutikhanut Ukiuqtaqtumi.

**Havaqatigiiktugut pidjutikhaptingnut uumunga Nunaqyuam Tamaat Katimayiryuangit
Katimavikharnik uumunga Hilaup Aalannguqtirninganut Katimayuarutikhaanut
Paanariiktunut piliuriamingni Paris-mut Angirutikhamik taimaa:**

- Akhut nainairiikhugu hivunighaliurutikhat atuqpagainut aallanngayunullu
havaktauyakhanut ihuaqhinahugillugu hilaup aalannguqtirninganut.



- Ihuaqtumik havakpaktut ihuaqhinahugittugu nunakyuami puyuum anialailaqaataanik (GHG) ilihimanahugillugit ataaniittut ~450 ilanginnut atauhiqmut million-mik angitilaanganut pipkarianginni ilangit nunakyuani uunaqutait uunaqpalliadjutaa aajikkiikniaqtut akunganiituni 1.5°C and 2°C
- Ilihimavlugu tammaqtailivlugillu pihimayumayait, ihumagiyait piyakhatik, pitquhiit pitquhiraluangillu inuit Ukiuqtaqtumi.
- Ilitagilugit munagilugitlu pidjutikhangangit Nunaqaqqahimayunun inungnun upigiyaingitlu, ihumagiyaingitlu, pitquhigiyaini ilitquhigiyangitlu inungnun Ukiuqtaqtumi.
- Ilihimaliqhugu akituvallaaqhuni atuqtakhamingnut inuuyaami Ukiuqtaqtumi piumangitait aallanik manikhanut ayuqhautit Ukiuqtaqtumiittunut.
- Ikayuutigilugu pivalliaadjutikhanut amigaikyuumilugit auladjutikhanut ikayuutikhat ihuaqniaqtunut mikhilaaqlugu puyuum anialailaqaataanik puyuut anianiinnut, nunanilu aadjikiiktunut Ukiuqtaqtumut, humi igluqpakyuakhat havaktauluaqhimangitun taimaitutun ilangani Kanatami Kalaasilikmi.
- Munarilugu Inuit niqainakhait tammaqtaililugit.
- Ikayuutigilugit piumayainut hungiutidjutikhanut hulilukaarutikhait ilanginnut pidjautavaktunut hilaup aalannguqtirninganut, uumatut Ukiuqtaqtumi, manikhanullu ikayuutikhanut atuqtakhainut hanaqidjutikhanut.
- Ilihimavlugu puiguktakhaungittunut nunaqaqqahimayunut kangiqhihimayainik, naunaittut ikayuutikhait kangiqhihimayaptingnut hilaup aalannguqtirninganut, ilihimaliqhugu ikayuutikhauyuq aadjikkiiknahugillutik ilitaqhinahuaqnikkut naunaitkutainut.